

摘藻堂四庫全書薈要

集部

欽定四庫全書蒼要卷一萬七千七百五十七

集部

御定全唐詩卷三百五十二

柳宗元

登柳州峩山

荒山秋日午，獨上意悠悠。如何望鄉處，西北是融州。

得盧衡州書因以詩寄

臨蒸且莫歎炎方，為報秋來雁幾行。林邑東迴山似戟，
牂牁南下水如湯。蒹葭淅瀝含秋霧，橘柚玲瓏透夕陽。

非是白蘋洲畔客還將遠意問瀟湘

答劉連州邦字

連璧本難雙分符刺小邦崩雲下離水劈箭上潯江負
弩啼寒狄余救切鳴枹驚夜猿遙憐郡山好謝守但臨窗

嶺南江行

瘴江南去入雲煙望盡黃茆是海邊山腹雨晴添象跡
潭心日暖長蛟涎射工巧伺遊人影颺母偏驚旅客船
從此憂來非一事豈容華髮待流年

柳州峒氓

郡城南下接通津，異服殊音不可親。
青箬裹鹽歸峒客，

綠荷包飯趁虛人。

嶺南人呼市為虛

鵝毛禦臘縫山罽，雞骨占

年拜水神。愁向公庭問重譯，欲投章甫作文身。

酬徐二中丞普寧郡內池館即事見寄

鵷鴻念舊行，虛館對芳塘。
落日明朱檻，繁花照羽觴。
泉歸滄海近，樹入楚山長。
榮賤俱為累，相期在故鄉。

酬賈鵬山人郡內新栽松寓興見贈二首

芳朽自為別無心乃玄功夫天日放花榮耀將安窮青
松遺澗底擢蒔茲庭中積雪表明秀寒花助蕊龍貞幽
風有慕持以延清風

無能常閉閣偶以靜見名竒姿來遠山忽似人家生勁
色不改舊芳心與誰榮喧卑豈所安任物非我情清韻
動竽瑟諧此風中聲

種柳戲題

柳州柳刺史種柳柳江邊談笑為故事推移成昔年垂

陰當覆地聳幹會參天好作思人樹慚無惠化傳

柳州二月榕葉落盡偶題

宦情羈思共悽悽春半如秋意轉迷山城過雨百花盡
榕葉滿庭鶯亂啼

浩初上人見貽絕句欲登仙人山

在柳州

因以酬

之

珠樹玲瓏隔翠微病來方外事多違仙山不屬分符客
一任凌空錫杖飛

雨中贈仙人山賈山人

即賈鵬也

寒江夜雨聲潺潺
曉雲遮盡仙人山
遙知玄豹在深處
下笑羈絆泥塗間

別舍弟宗一

零落殘紅

一作魂

倍黯然雙垂別淚
越江邊一身去國六

千里萬死投荒十二年
桂嶺瘴來雲似墨
洞庭春盡水如天
欲知此後相思夢
長在荆門郢樹煙

奉和周二十二丈酬郴州侍郎衡江夜泊得韶

州書并附當州生黃茶一封率然成篇代意之作

丘山仰德耀天路下征駢夢喜三刀近書嫌五載違凝情江月落屬思嶺雲飛會入司徒府還邀周掾歸

殷賢戲批書後寄劉連州并示孟崙二童

自注家有

右軍書每紙背庾翼題云

王會稽六紙二月三十日

書成欲寄庾安西紙背應勞手自題聞道近來諸子弟臨池尋已厭家雞

重贈二首

聞道將雛向墨池劉家還有異同詞

漢書劉歆以左丘明公穀詳略難父

向向不能非

如今試遣隈牆問已道世人那得知

世上悠悠不識真薑芽盡是捧心人若道柳家無子弟

往年何事乞西賓

子厚嘗為劉寫西京賦

疊前

小學新翻墨沼波羨君瓊樹散枝柯左家弄玉唯嬌女
空覺庭前鳥跡多

疊後

事業無成耻藝成
南宮起草舊連名

公與夢得嘗同為禮部員外郎勸

君火急添功用
趨取當時二妙聲

銅魚使赴都寄親友

自注嶺南支郡無綱官考典帳典等悉附都府至京

行盡關山萬里餘
到時間井是荒墟
附庸唯有銅魚使
此後無因寄遠書

韓漳州書報徹上人亡因寄二絕

早歲京華聽越吟
聞君江海分逾深
他時若寫蘭亭會

莫畫高僧支道林

頻把瓊書出袖

一作
衲

中獨吟遺句立秋風
桂江日夜流

千里揮淚何時到甬東

柳州城西北隅種柑樹

手種黃柑二百株
春來新葉徧城隅
方同楚客憐皇樹

楚詞后皇嘉樹橘來服
兮受命不遷生南國兮

不學荊州利木奴
幾歲開花聞

噴雪何人摘實見
垂珠若教坐待成
林日滋味還堪養

老夫

聞徹上人亡寄侍郎楊丈

東越高僧還姓湯
幾時瓊佩觸鳴璫
空花一散不知處
誰采金英與侍郎

段九秀才處見亡友呂衡州書迹

交侶平生意最親
衡陽往事似分身
袖中忽見三行字
拭淚相看是故人

柳州寄京中親故

林邑山連瘴海秋
牂牁水向郡前流
勞君遠問龍城地

正北三千到錦州

種木榭花

上苑年年占物華飄零今日在天涯祇因長作龍城守

剩種庭前木榭花

柳州龍城郡

摘櫻桃贈元居士時在望仙亭南樓與朱道士
同處

海上朱櫻贈所思樓居况是望仙時蓬萊羽客如相訪
不是偷桃一小兒

酬曹侍御過象縣見寄

象縣柳州縣名

破額山前碧玉流，騷人遙駐木蘭舟。

述異記七里州中有魯班刻木蘭為

舟至今在洲中詩家云木蘭舟出此

春風無限瀟湘意

一作憶

欲採蘋花不

自由

法華寺石門精舍三十韻

集有記云寺居永州地最高

拘情病幽鬱，曠志寄高爽。願言懷名緇，東峰旦夕仰。始欣雲雨霽，尤悅草木長。道同有愛弟，披拂恣心賞。松谿

窈

胡了窈切

入石棧，夤緣上蘿葛。

一作葛

綿層薺，莓苔

侵標榜密林互對聳絕壁儼雙敞塹峭出蒙籠墟險

一作

嶮

臨澗養稍疑地脉斷悠若天梯往結構罩羣崖迴環

驅萬象小劫不逾瞬大千若在掌體空得化元觀有遺

細想喧煩因蟻螻跼踏疲魍魎寸進諒何營尋直非所

枉探竒極遙矚窮妙閱清響理會方在今神開庶殊曩

茲遊苟不嗣浩氣竟誰養道異誠所希名賓匪余仗超

攄藉外獎俯默有內朗鑑

一作
鏗

爾揖古風終焉乃吾黨

潛軀委韁鎖高步謝塵坱蓄志徒為勞追蹤將焉做淹

留值頽暮眷戀睇遐壤映日雁聯軒翻雲波決漭殊風
紛已萃鄉路悠且廣羈木畏漂浮離旌倦搖蕩昔人歎
違一作遺志出處今已兩何用期所歸浮圖有遺像幽蹊
不盈尺虛室有函丈微言信可傳申旦稽吾顙

遊朝陽巖遂登西亭二十韻

謫棄殊隱淪登陟非遠郊所懷緩伊鬱詎欲肩夷巢高
巖瞰清江幽窟潛神蛟開曠延陽景迴薄攢林梢西亭
構其巔反宇臨呀虛牙切庠許交切背瞻星辰興下見雲

雨交惜非吾鄉土得以蔭菁茆羈貫與非同去江介世仕

尚函嶠故墅即澧川數畝均肥磽臺館葺荒丘池塘疏

沈坳會有圭組戀遂貽山林嘲薄軀信無庸瑣屑劇斗

筭囚居固其宜厚羞久已包庭除植蓬艾隙同牖懸蠨

蛸所賴山川客扁舟枉長梢梢船尾木挹流敵清觴掇墊代

嘉肴適道有高言取樂非絃匏逍遙屏幽昧淡薄辭喧

呶晨雞不余欺風雨聞嘒嘒音交再期永日閒提挈移中

庖

湘口館瀟湘二水所會

九疑濬傾奔臨源委縈迴會合屬空曠泓澄停風雷高

館軒霞表危樓臨山隈茲辰始澂

直凌切

霽纖雲盡褰開

天秋日正中水碧無塵埃杳杳漁父吟叫叫羈鴻哀境
勝豈不豫慮分固難裁升高欲自舒彌使遠念來歸流
駛且廣汎舟絕沿洄

登蒲州石磯望橫江口潭島深迥斜對香零山

山在

永州

隱憂倦永夜凌霧臨江津猿鳴稍已踈登石娛清淪日

出洲渚靜澄明晶

一作晶

無垠浮暉翻高禽沈景照文鱗

雙江滙西奔詭怪潛坤珍孤山乃北峙森爽棲靈神洄

潭或動容島嶼疑搖振

之人切

陶埴茲擇土蒲魚相與鄰

信美非所安羈心屢逡巡

即糾字

結良可解紆鬱亦已

伸高歌返故室自調非所欣

南澗中題

秋氣集南澗獨遊亭午時迴風一蕭瑟林影久參差始

至若有得稍深遂忘疲羈禽響幽谷寒藻舞淪漪去國

魂已遠

一作游

懷人淚空垂孤生易為感失路少所宜索

寞竟何事徘徊祇自知誰為後來者當與此心期

遊石角過小嶺至長烏村

志適不期貴

一作不自期

道存豈

一作貴

偷生久忘上封事復

笑昇天行竄逐宦湘浦搖心劇懸旌始驚陷世議終欲

逃天刑歲月殺

色界切

憂慄慵踈寡將迎追遊疑所愛且

復舒吾情石角恣幽步長烏遂遐征磴迴茂樹斷景晏

寒川明曠望少行人時聞田鶴鳴風篁冒水遠霜稻侵
山平稍與人事閒益知身世輕為農信可樂居寵真虛
榮喬木餘故國願言果丹誠四支反田畝釋志東臯耕

與崔策登西山

策字子符集
有送崔九序

鶴鳴楚山靜露白秋江曉連袂度危橋縈迴出林杪西
岑極遠目毫末皆可了重疊九疑高微茫洞庭小迥窮
兩儀際高出萬象表馳景泛頽波遙風遞寒篠謫居安
所習稍厭從紛擾生同胥靡遺壽比彭鏗天蹇連困顛

陪愚蒙怯幽眇非令親愛疎誰使心神悄偶茲遁山水
得以觀魚鳥吾子幸淹留緩我愁腸繞

構法華寺西亭

竄身楚南極山水窮險艱步登最高寺蕭散任疎頑西
垂下斗絕欲似窺人寰反如在幽谷榛翳不可攀命童

恣披翦葺宇橫斷山割

一作割

如判清濁飄若升雲間遠

岫攢衆頂澄江抱清灣夕照臨軒墮棲鳥當我還菡萏
溢嘉色箕箒遺清斑神舒屏羈鎖志適忘幽孱棄逐久

枯槁迨今始開顏賞心難久留離念來相關北望間親
愛南瞻雜夷蠻置之勿復道且寄須臾間

夏夜苦熱登西樓

苦熱中夜起登樓獨褰衣山澤凝暑氣星漢湛光輝火
晶燥露滋棼靜停風威探湯汲陰井煬竈開重扉憑闌
久徬徨流汗不可揮莫辯亭毒意仰訴璿與璣諒非姑
射子靜勝安能希

覺衰

久知老會至不謂便見侵今年宜未衰稍已來相尋齒

踈髮就種

音踵

奔走力不任咄此可奈何未必傷我心彭

聃安在哉周孔亦已沈古稱壽聖人曾不留至今但願

得美酒朋友常共斟是時春向暮桃李生繁陰日照天

正綠

一作碧

杳杳歸鴻吟出門呼所親扶杖登西林高歌

足自快商頌有遺音

遊南亭夜還叙志七十韻

夙抱丘壑尚率性恣遊遨中為吏役牽十祀空帽勞外

曲狗塵轍私心寄英髦進乏廊廟器退非鄉曲豪天命

斯不易鬼責將安逃屯難果見凌剝喪宜所遭神明

一作

期

固浩浩衆口徒嗷嗷投跡山水地放情詠離騷再懷

曩歲期容與馳輕舸虛館背山郭前軒面江臯重疊間

浦淑邈迤驅巖叡

牛刀切

積翠浮澹濫始疑負靈鼈叢林

留衝飈石礫迎飛濤曠朗天景霽樵蘇遠相號澄潭湧

沈鷗半壁跳懸猿鹿鳴驗食埜魚樂知觀濠孤賞誠所

悼暫欣良足裒留連俯櫺檻注我壺中醪朶頤進芟實

擢手持蟹螯炊稻視爨鼎膾鮮聞

一作閱

操刀埜蔬盈傾

筐頗雜池沼芼緬慕鼓枻翁嘯詠哺其糟退想於陵子

三咽資李膾斯道難為偕沈憂安所韜曲渚怨鴻鵠環

洲彫蘭蓐

音鼻

暮景迴西岑北流逝滔滔徘徊遂昏黑遠

火明連艘木落寒山靜江空秋月高歛袂戒還徒善游

矜所操趣淺戢長枻乘深屏輕篙曠望援深竿哀歌叩

鳴艚中川恣超忽漫若翔且翱淹泊遂所止埜風自颺

颺澗急驚鱗奔蹊荒飢獸嗥入門守拘繫悽戚增鬱陶

慕士情未忘懷人首徒搔內顧乃無有德輶甚鴻毛名

竊久自欺食浮固云叨問牛悲覺鐘說音稅珮驚臨牢永

遁刀筆吏寧期簿書曹中興遂羣物裂壤分鞬居言切橐

鼻岷凶既云捕謂劉闢吳虜亦已鏖李錡捍禦盛方虎伏誅

謨明富伊咎披山窮木禾駕海逾蟠桃重來越裳雉再

返西旅燧左右抗槐棘縱橫羅雁羔三一作五辟咸肆宥

衆生均覆燾安得奉皇靈在宥解天弢音叨歸誠慰松梓

陳方開蓬蒿卜室有鄠杜名田占豐滂磻谿近餘基阿

城連故濠螟蚌願親燎荼堇甘自薈音蒿飢食期農耕寒

衣俟蠶繰及鼈

下患切

足為溫滿腹寧復饕安將蒯及管

奸音誰慕梁與膏弋林鷗雀鷓漁澤從鱮劔觀象嘉素履

陳詩謝干旄方託麋鹿羣敢同騏驥槽處賤無溷濁固

窮匪淫惱踉蹌辭束縛悅懌換煎熬登年徒

一作從

負版

興役趨代礮

音鼻

目眩絕渾渾耳喧息嘈嘈茲焉畢餘命

富貴非吾曹長沙哀紉繹漢陰唾桔槔苟伸擊壤情機

事息秋豪海霧多翁鬱越風饒腥臊寧唯迫魑魅所懼

齊焄蔗音蒿知螢懷褚中范叔戀綈袍伊人不可期慷慨

徒怛怛

韋道安

道安嘗佐張建封于徐州及軍亂而道安自殺

道安本儒士頗擅弓劍名二十遊太行暮聞號哭

一作泣

聲疾驅前致問有叟垂華纓言我故刺史失職還西京
偶為羣盜得毫縷無餘贏貨財足非恡二女皆娉婷蒼
黃見驅逐誰識死與生便當此殞命休復事晨征一聞
激高義皆裂肝膽橫挂弓問所往趨捷超崢嶸見盜寒

礪陰羅列方忿爭一矢斃酋帥餘黨號且驚麾令遞東

縛纒

一作纒

索相拄撐彼姝久褫魄刃下俟誅刑却立不

親授諭以從父行捃收自擔肩轉道趨前程夜發敲石

火山林如晝明父子更抱持涕血紛交零頓首願歸貨

納女稱舅甥道安奮衣去義重利固輕師婚古所病合

姓非用兵竭來事儒術十載所能逞

必貞切

慷慨張徐州

徐泗濠節度使張建封

朱邸揚前旌投軀獲所願前馬出王城

貞元

十三年建封來朝道安從之

轅門立竒士淮水秋風生君侯既即世

麾下相歆傾立孤抗王命鐘鼓四野鳴橫潰非所壅逆
節非所嬰舉頭自引刀顧義誰顧形烈士不忘死所死
在忠貞吐嗟徇權子翕習猶趨榮我歌非悼死所悼時
世情

哭連州凌員外司馬

凌員外
準也

廢逐人所棄遂為鬼神欺才難不其然卒與大患期凌
人古受氏吳世夸雄姿寂寞富春水英氣方在斯六學
誠一貫精義窮發揮著書逾十年幽蹟靡不推天庭揆

高文萬一作寓

字若波馳記室征西府宏謀耀其奇輜軒

下東越列郡蘇疲羸宛宛凌江羽來棲翰林枝孝文留

弓劍中外方危疑抗聲促遺詔定命由陳辭

德宗崩邇臣議祕五

日下遺詔準獨抗危辭言其不可乃以旦日發喪

徒隸肅曹官征賦參有司出

守烏江許老遷湟水湄高堂傾故國葬祭限囚羈仲叔

繼幽淪狂叫唯童兒

準母卒于家不得歸

一門既無主焉用徒生

為舉聲但呼天孰知神者誰泣盡目無見

準哭母喪明

賢傷

足不持溘

渴合切

死委炎荒臧獲守靈帷平生負國譴骸

骨非敢私蓋棺未塞責孤旒凝寒颺念昔始相遇腑腸
為君知進身齊選擇失路同瑕疵本期濟仁義今為衆
所嗤滅名竟不試世義安可支恬死百憂盡苟生萬慮
滋顧余九逝魂與子各何之我歌誠自慟非獨為君悲

旦攜謝山人至愚池

新沐換輕巾

一作巾

幘曉池風露

一作霧

清自諧塵外意況與

幽人行霞散衆山迥天高數雁鳴機心付當路聊適義

皇情

獨覺

覺來窗牖空寥落
雨聲曉良遊怨遲暮
末事驚紛擾為
問經世心古人難盡了

首春逢耕者

南楚春候早餘寒已滋榮土膏釋原植百蟄競所營
綴景未及郊穡人先耦耕園林幽鳥嘒渚澤新泉清農事
誠素務羈囚阻平生故池想蕪沒遺畝當榛荆慕隱既
有繫圖功遂無成聊從田父言款曲陳此情眷然撫耒

耜回首煙雲橫

溪居

久為簪組累幸此南夷謫
閒依農圃鄰偶似山林客
曉耕翻露草夜榜一作塆
孔孟切響溪石來往不逢人
長歌楚天碧

碧

夏初雨後尋愚溪

悠悠雨初霽獨繞清溪曲
引杖試荒泉解帶圍新竹
沈吟亦何事寂寞固所欲
幸此息營營嘯歌靜炎燠

入黃溪聞猿

溪在永州

溪路千里曲哀猿何處鳴孤臣淚已盡虛作斷腸聲

韋使君黃溪祈雨見召從行至祠下口號

驕陽愆歲事良牧念菑畲列騎低殘月鳴笳度碧虛稍
窮樵客路遙駐野人居谷口寒流淨叢祠古木踈焚香
秋霧濕奠玉曉光初盼蠻巫言報精誠禮物餘惠風仍
偃草靈雨會隨車俟罪非真吏

為員外司馬故曰非真吏

翻慚奉簡

書

郊居歲暮

屏居負山郭，歲暮驚離索。
野迥樵唱來，庭空燒燼落。
世紛因事遠，心賞隨年薄。
默默諒何為，徒成今與昨。

秋曉行南谷經荒村

杪秋霜露重，晨起行幽谷。
黃葉覆溪橋，荒村唯古木。
寒花疎寂歷，幽泉微斷續。
機心久已忘，何事驚麋鹿。

雨後曉行獨至愚溪北池

宿雲散洲渚，曉日明村塢。
高樹臨清池，風驚夜來雨。
予

心適無事偶此成賓主

中夜起望西園值月上

覺聞繁露墜開戶臨西園寒月上東嶺泠泠疎竹根石
泉遠逾響山鳥時一喧倚楹遂至旦寂寞將何言

零陵春望

平楚春草綠曉一作晚鶯啼遠林日晴瀟湘渚雲斷岫嶠

岑仙駕不可望世途非所任凝情空景慕萬里蒼梧陰

從崔中丞過盧少尹郊居

寓居湘岸四無鄰世網難嬰每自珍時時吏切藥閒庭延

國老

本草甘草名國老

開樽虛室

一作席

值賢人泉迴淺石依高

柳逕轉垂藤間綠筠聞道偏為五禽戲出門鷗鳥更相親

夏晝偶作

南州溽暑醉如酒隱几熟眠開北牖日午獨覺無餘聲
山童隔竹敲茶臼

雨晴至江渡

江雨初晴思遠步日西獨向愚溪渡
渡頭水落村逕成
撩亂浮槎在高樹

江雪

千山鳥飛絕萬逕人蹤滅
孤舟蓑笠翁獨釣寒江雪

冉溪

公易其名為愚溪者是也

少時陳力希公侯許國不復為身謀
風波一跌逝萬里
壯心瓦斛空縲囚縲囚終老無餘事
願卜湘西冉溪地
却學壽張樊敬侯種漆南園待成器

法華寺西亭夜飲

得酒字

祇樹夕陽亭共傾三昧酒霧暗水連堦月明花覆牖莫
厭尊前醉相看未白首

戲題石門長老東軒

石門長老身如夢旃檀成林手所種坐來念念非昔人
萬徧蓮花為誰用如今七十自忘機貪愛都忘筋力微
莫向東軒春埜望花開日出雉皆飛

御定全唐詩卷三百五十二

欽定四庫全書蒼要卷一萬七千七百五十八集部

御定全唐詩卷三百五十三

柳宗元

茅簷下始栽竹

瘴茅葺為宇溽暑常侵肌適有重膇疾蒸鬱寧所宜東
鄰幸導我樹竹邀涼颺欣然愜吾志荷鍤西巖垂楚壤
多怪石墾鑿力已疲江風忽云暮輿曳還相追蕭瑟過
極浦旖音旖旖乃倚切附幽墀貞根期永固貽爾寒泉滋夜

牕遂不掩羽扇寧復持清冷集濃露枕簟淒已知網一作

細蟲依密葉曉禽棲迥枝豈伊紛囂間重以心慮怡嘉

爾亭亭質自遠棄幽期不見野蔓草蒼蔚有華姿諒無

凌寒一作雲色豈與青山辭

種仙靈毗本草淫羊藿
即仙靈毗也

窮陋一作巷闕自養癘氣劇囂煩隆冬乏霜霰日夕南風

溫杖藜下庭際曳踵不及門門有野田吏慰我飄零魂

及言有靈藥近在湘西原服之不盈旬斲蒲結切躡音薛皆

騰騫笑怵前即吏為我擢其根蔚蔚遂充庭英翹忽已
繁晨起自採曝杵臼通夜喧靈和理內藏攻疾貴自源
擁覆逃積霧伸舒委餘暄竒功苟可徵寧復資蘭蓀我
聞畸人術一氣中夜存能令深深息呼吸還歸跟音疎
放固難效且以藥餌論痿者不忘起窮者寧復言神哉
輔吾足幸及兒女奔

種朮

守閒事服餌採朮東山阿東山幽且阻疲茶乃結切煩經

過戒徒斲靈根封植闕天和
違爾澗底石徹我庭中莎

土膏滋玄液松露墜繁柯
南東自成畝繚繞紛相羅
晨

步佳色媚夜眠幽氣多
離憂苟可怡孰能知其他
爨竹

茹芳葉寧慮瘵

側界切

與瘥留連樹蕙辭
婉婉採薇歌悟

拙甘自足激清媿同波
單音善豹且理內高門復如何

種白藜

人羊切

荷

血

一作血

蟲化為癘夷俗多所神
銜猜每腊毒謀富不為

仁蔬果自遠至盃酒盈肆
陳言甘中必苦何用知其真

華潔事外飾，尤病中州人。錢刀恐賈害，飢至益逡巡。
竄伏常戰慄，懷故逾悲辛。庶民一作民有嘉草，攻禴事久泯。
炎帝垂靈編，言此殊足珍。崎嶇乃有得，託以全余身。
紛敷碧樹陰，眇眇心所親。

新植海石榴

弱植不盈尺，遠意駐蓬瀛。月寒空堦曙，幽夢綵雲生。
糞壤擢珠樹，莓苔插瓊英。芳根悶顏色，徂歲為誰榮。

戲題堦前芍藥

凡卉與時謝妍華麗茲晨歆紅醉濃露窈窕留餘春孤
賞白日暮暄風動搖頻夜牕藹芳氣幽臥知相親願致
溱洧贈悠悠南國人

始見白髮題所植海石榴

幾年封植愛芳叢韶豔朱顏竟不同從此休論上春事
看成古木對衰翁

植靈壽木

白華照一作鑒寒水怡我適野情前趨問長老重復欣嘉

名蹇連易衰朽方剛謝經營敢期齒杖賜聊且移孤莖
叢萼中競秀分房外舒英柔條乍反植勁節常對生循
翫足忘疲稍覺步武輕安能事翦伐持用資徒行

自衡陽移桂十餘本植零陵所住精舍

謫官去南裔清湘繞靈岳晨登蒹葭岸霜景霽紛濁離
披得幽桂芳本欣盈握火耕困煙燼薪採久摧剝道旁
且不願岑嶺况悠邈傾筐壅故壤棲息期鸞鷲

仕角反路

遠清涼宮一雨悟無學南人始珍重微我誰先覺芳意

不可傳丹心徒自渥

湘岸移木芙蓉植龍興精舍

有美不自蔽安能守孤根
盈盈湘西岸秋至風露繁
麗影別寒水穠芳委前軒
芰荷諒難雜反此生高原

早梅

早梅發高樹迥映楚天碧
朔吹飄夜香繁霜滋曉白

一作

日欲為萬里贈杳杳山水隔
寒英坐銷落何用慰遠客

南中榮橘柚

橘柚懷貞質受命此炎方密林耀朱綠晚歲有餘芳殊
風限清漢飛雪滯故鄉攀條何所歎北望熊與湘
熊湘二山名

紅蕉

晚英值窮節綠潤含朱光以茲正陽一作陰色窈窕凌清

霜遠物世所重旅人心獨一作所傷回暉眺林際撼撼一作

戚戚無遺芳

吳公院五詠

淨土堂

結習自無始淪溺窮苦源流形及茲世始悟三空門華
堂開淨域圖像煥且繁清泠焚衆香微妙歌法言稽首
媿導師超遙謝塵昏

曲講堂

寂滅本非斷文字安可離曲堂何為設高士方在斯聖
默寄言宣分別乃無知趣中即空假名相與誰期願言
絕聞得忘意聊思惟

禪堂

發地結菁茅團團抱虛白山花落幽戶中有忘機客涉
有本非取照空不待析萬籟俱緣生窅然喧中寂心境
本洞一作如鳥飛無遺跡

芙蓉亭

新亭俯朱檻嘉木開芙蓉清香晨風遠溽彩寒露濃瀟
灑出人世低昂多異容嘗聞色空喻造物誰為工留連
秋月晏迢遞來山鐘

苦竹橋

危橋屬幽徑，繚繞穿疎林。
迸籜分苦節，輕筠抱虚心。
俯瞰涓涓流，仰聆蕭蕭吟。
差池下煙日，嘲啗一作嘶鳴山禽。
諒無要津用，棲息有餘陰。

梅雨

梅實迎時雨，蒼茫值晚春。
愁深楚猿夜，夢斷越雞晨。
海霧連南極，江雲暗北津。
素衣今盡化，非為帝京塵。

零陵早春

問春從此去幾日到秦原
憑寄還鄉夢殷勤入故園

田家三首

蓐食徇所務驅牛向東阡
雞鳴村巷白夜色歸暮田
札耒耜聲飛飛來烏鳶竭
茲筋力事持用窮歲年盡
輸助徭役聊就空自眠
子孫日已長世世還復然

籬落隔煙火農談四鄰夕
庭際秋蟲一作蛩鳴疎麻方寂

歷蠶絲盡輸稅機杼空倚壁
里胥夜經過雞黍事筵席
各言官長峻文字多督責
東鄉後租期車轂陷泥澤
公

門少推恕鞭朴恣狼籍努力慎經營肌膚真可惜迎新
在此歲唯恐踵前跡

古道饒疾藜縈迴古城曲蓼花被堤岸陂水寒更綠是
時收獲竟落日多樵牧風高榆柳疎霜重梨棗熟行人
迷去住野鳥競棲宿田翁笑相念昏黑慎原陸今年幸
少豐無厭饘與粥

行路難三首

君不見夸父逐日窺虞淵跳踉北海超崑崙披霄決漢

出沆漭瞥裂左右遺星辰
湏臾力盡道渴死狐鼠蜂蟻
爭噬吞北方蟬人長九寸開口抵掌更笑啾啾飲食
滴與粒生死亦足終天年睢盱大志小成遂坐使兒女
相悲憐

虞衡斤斧羅千山工命採斫杙

音弋

與椽深林土剪十取

一百牛連鞅摧雙轅萬圍千尋妨道路東西蹶倒山火
焚遺餘毫末不見保躡蹠礪壑何當存羣材未成質已
夭突兀哮豁空巖巒柏梁天災武庫火匠石狼顧相愁

寃君不見南山棟梁益稀少愛材養育誰復論

飛雪斷道冰成梁侯家熾炭雕玉房蟠龍吐耀虎喙張

熊蹲豹躑爭低昂攢巒叢峩

五各反

射朱光丹霞翠霧飄

竒香美人四向迴明璫雪山冰谷晞太陽星躔奔走不

得一作可

止奄忽雙燕棲虹梁風臺露榭生光飾死灰棄

置參與商盛時一去貴反賤桃笙葵扇安可當

聞籍田有感

元和五年十月憲宗詔來年正月十六日東郊籍田

天田不日降皇輿留滯長沙歲又除宣室無由問釐

音禧

事周南何處託成書

跂烏詞

城上日出羣鳥飛
鷓鴣爭赴朝陽枝
刷毛伸翼和且樂
爾獨落魄今何為
無乃慕高近白日
三足妬爾令爾疾
無乃飢啼走道

一作路

旁貪鮮攫肉人所傷
翹肖獨足下

叢薄口銜低枝始能躍
還顧泥塗備螻蟻
仰看棟梁防
燕雀左右六翮利如刀
踊身失勢不得高
支離無趾猶
自免努力低飛逃後患

籠鷹詞

淒風浙瀝飛嚴霜蒼鷹上擊翻曙光雲披霧裂虹蜺斷
霹靂掣電捎平岡霍號切然勁翮翦荆棘下攫狐兔騰

蒼茫爪毛吻血百鳥逝獨立四顧時激昂炎風溽暑忽
然至羽翼脫落自摧藏草中狸鼠足為患一夕十顧驚
且傷但願清商復為假拔去萬累一作雲間翔

放鷓鴣詞

楚越有鳥甘且腴嘲嘲自名為鷓鴣徇媒得食不復慮

機械潛發羅罝

音嗟

孛

音孚

羽毛

摧折

觸籠

禦煙

火煽

赫驚

庖厨鼎前芍藥調五味膳夫攘腕左右視齊王不忍殼
棘牛簡子亦放邯鄲鳩二子一作君得意猶念此况我萬
里為孤囚破籠展翅當遠去同類相呼莫相顧

龜背戲

長安新技出宮掖喧喧初徧王侯宅玉盤滴瀝黃金錢
皎如文龜麗秋天八方定位開神卦六甲離離齊上下
投變轉動玄機早星流霞破相參差四分五裂勢未已

出無入有誰能知乍驚散漫無處所湏臾羅列已如故
徒言萬事有盈虛終朝一擲知勝負修門象棋不復貴
魏宮妝奩世所棄豈如瑞質耀竒文願持千歲壽吾君
廟堂巾笥非余慕錢刀兒女徒紛紛

聞黃鸝

倦聞子規朝暮聲不意忽有黃鸝鳴一聲夢斷楚江曲

滿眼故園春意生

一作
草綠

目極

一作
故園

千里無山河麥芒際

天搖清波王畿優本少賦役務閒酒熟饒經過此時晴

煙最深處舍南巷北遙相語翻日迥度昆明飛凌風邪
看細柳翦我今誤落千萬山身同傖人不思還鄉禽何
事亦來此令我生心憶桑梓閉聲迴翅歸務速西林紫
椹行當熟

演鴻臚宅聞歌效白紵

翠帷雙卷出傾城龍劔破匣霜月明朱脣掩抑悄無聲
金簧玉磬宮中生下沈秋火激太清天高地迥凝日晶
羽觴蕩漾何事傾

楊白花

楊白花風吹渡江水坐令宮樹無顏色
搖蕩春光千萬里茫茫曉日下長秋

一作林

哀歌未斷城鴉起

漁翁

漁翁夜傍西巖宿曉汲清湘燃楚竹
煙銷日出不見人

款乃音禩一聲山水綠迴看天際下
中流巖上無心雲

相逐

飲酒

今夕一作旦少愉樂起坐開清尊舉觴酌音未先酒始為酒者也

為一作遺我驅憂煩須臾心自殊頓覺天地暄連山變幽

晦綠水涵晏溫藹藹南郭門樹木一何繁清陰可自庇
竟夕聞佳言盡醉無復辭偃臥有芳蓀彼哉晉楚富此
道未必存

讀書

幽沈謝世事俛默一作然窺唐虞上下觀古今起伏千萬

途遇欣或自笑感戚亦以吁縹帙各舒散前後互相逾

瘴疠擾靈府日與往昔殊臨文乍了了徹卷兀若無竟
夕誰與言但與竹素俱倦極便一作更倒臥熟寐乃一蘇
欠伸展肢體吟詠心自愉得意適其適非願為世儒道
盡即閉口蕭散捐囚拘巧者為我拙智者為我愚書史
足自悅安用勤與劬貴爾六尺軀勿為名所驅

感遇二首

永州作

西陸動涼氣驚鳥號北林棲息豈殊性集枯安可任鴻
鵠去不返勾吳阻且深徒嗟日沈湎九鼓驚竒音東海

久搖蕩南風已駸駸坐使青天暮小星愁太陰衆情嗜
姦利居貨捐一作損千金危根一以振齊斧來相尋攬衣
中夜起感物涕盈襟微霜衆所踐誰念歲寒心

旭日照寒野鷺

音豫

斯起蒿萊啁啾有餘樂飛舞西陵隈

迴風旦夕至零葉委陳芟所棲不足恃鷹隼縱橫來

詠史

燕有黃金臺遠致望諸君

樂毅為望諸君

嗛嗛事強怨三歲有

竒勲悠哉闢疆理東海漫浮雲寧知世情異嘉穀坐煬

焚致令委金石誰顧蠹蠕

時充切

羣風波歟

許勿切

潛構遺

恨意紛紜豈不善圖後交私非所聞為忠不顧內

一作內顧

晏子亦垂文

詠三良

東帶值明后顧盼流輝光一心在陳力鼎列夸四方款
款效忠信恩義皎如霜生時亮同體死沒寧分張壯軀
閉幽隧猛志填黃腸殉死禮所非況乃用其良霸基弊
不振晉楚更張皇疾病命固亂魏氏言有章從邪陷厥

父吾欲討彼狂

詠荆軻

燕秦不兩立太子已為虞千金奉短計
匕首荆卿趨窮年徇所欲兵勢且見屠
微言激幽憤怒目辭燕都朔風動易水
揮爵前長驅函首致宿怨獻田開版圖
炯然耀

一作曜

電光掌握罔正

一作匹

夫造端何其銳臨事竟趨趨

長虹吐白日倉卒反受誅按劍赫憑怒
風雷助號呼慈父斷子首狂走無容軀
夷城芟七族臺觀皆焚汙始期

憂患弭卒動災禍樞秦皇本詐力事與桓公殊奈何效
曹子實謂勇且愚世傳故多謬太史徵無且

掩役夫張進骸

生死悠悠爾一氣聚散之偶來紛喜怒奄忽已復辭為
役孰賤辱為貴非神奇一朝續息定枯朽無妍媸生平
勤皂櫪剝秣不告疲既死給槨殯葬之東山基柰何值
崩湍蕩析臨路垂髡然暴百骸一作體散亂不復支從者
幸告余睠之涓然悲猫虎獲迎祭犬馬有蓋帷佇立唁

爾魂豈復識此為畚音本鍤載埋瘞溝瀆護其危我心得

所安不謂爾有知掩骼著春令茲焉適其時及物非吾

事一作輩聊且顧爾私

省試觀慶雲圖詩

設色既一作初成象卿雲示國都九天開秘祉百辟贊

嘉謨抱日依龍袞非煙近御爐高標連汗漫一作迴望

接虛無裂素榮光發舒華瑞色敷恒將配堯德垂慶代


河圖

春懷故園

九扈鳴已晚
楚鄉農事春
悠悠故池水
空待灌園人



御定全唐詩卷三百五十三



總校官庶吉士臣張能照

校對官中書臣張頊

謄錄監生臣倪時彥

欽定四庫全書會要

集部

欽定全唐詩卷三百五十四

欽定四庫全書蒼要卷一萬七千七百五十九集部

御定全唐詩卷三百五十四

劉禹錫

(煇)
劉錫字夢得彭城人貞元九年擢進士第登博學宏詞科從事淮南幕府入為監察御史王叔文用事引入

禁中與之圖議言無不從轉屯田員外郎判度支鹽鐵案叔文敗坐貶連州刺史在道貶朗州司馬落魄不自聊吐詞多諷託幽遠蠻俗好巫嘗依騷人之旨倚其聲

作竹枝詞十餘篇武陵谿洞間悉歌之居十年召還將
置之郎署以作立都觀看花詩涉譏忽執政不悅復出
刺播州喪度以母老為言改連州徙夔和二州久之徵
入為主客郎中又以作重游立都觀詩出分司東都度
仍薦為禮部郎中集賢直學士度罷出刺蘇州徙汝同
二州遷太子賓客分司禹錫素善詩晚節尤精不幸坐
廢偃蹇寡所合乃以文章自適與白居易酬復頗多居
易嘗敘其詩曰彭城劉夢得詩豪者也其鋒森然少敢

當者又言其詩在處應有神物護持其為名流推重如此會昌時加檢校禮部尚書卒年七十二贈戶部尚書詩集十八卷今編為十二卷

團扇歌

團扇復團扇奉君清暑殿秋風入庭樹從此不相見上有乘鸞女蒼蒼蟲網一作網蟲遍明年入懷袖別是機中練

宜城歌

野水繞空城行塵起孤驛荒

一作花

臺側生樹

一作柏

石碣

陽鐫額靡靡度

一作渡

行人溫風吹宿麥

順陽歌

朝辭官軍驛前望順陽路野水蓄荒墳秋蟲鏤宮

一作官

樹曾聞天寶末胡馬西南驚城守魯將軍拔城從此去

莫徭

一作徭
歌

莫徭自生長名字無符籍市易雜鮫人婚姻通木客星
居占泉眼火種開山脊夜渡千仞谿含沙不能射

度桂嶺歌

桂陽嶺下下復高高人稀鳥獸駭地遠草木豪寄言千
金子知余歌者勞

插田歌 并引

連州城下俯接村墟偶登郡樓適有所感遂書其
事為俚歌以俟采詩者

岡頭花草齊燕子東西飛田塍望如線白水光參差農
婦白紵裙農父綠蓑衣齊唱郢一作田中歌嚶儻如竹枝

但聞怨響音不辨俚語詞時時一大笑此必相嘲嗤水

平苗漠漠煙火生墟落黃犬往復還赤雞鳴且啄路旁
誰家郎烏帽衫袖長自言上計吏年幼離帝鄉田夫語
計吏君家儂定諳一作記一作喻一來長安道眼大不相參計
吏笑致辭長安真大處省門高軻我儂入無度數昨來
補衛士惟用筒竹布君看二三年我作官人去

葡萄歌

一作蒲桃

野田生葡萄纏繞一枝高一作萬移來碧墀下張王日日

高分歧浩繁縹脩蔓蟠詰曲揚翹向庭柯意思如有屬

為之立長檠

一作架

布濩當軒綠米

一作朱

液溉其根理疎

看滲漉繁葩組綬結懸實珠璣感馬乳帶輕霜龍鱗曜

初旭有客汾陰至臨堂瞪雙目自言我晉人種此如種

玉釀之成美酒令人飲不足為君持一斗往取涼州牧

蠻子歌

蠻語鈎鞞音

一作鈎鞞語音蠻

一作蠻身

衣斑爛布熏狸

一作狐

掘沙鼠時節祠盤瓠忽逢乘馬客恍若驚麇

一作麇

顧腰斧上高山意行無舊路

馬嵬行

綠野扶風道黃塵馬嵬驛路邊楊貴人墳高三四尺乃

問里中兒皆

一作革

言幸蜀時軍家誅戚族

一作倭倖

天子捨

妖姬羣吏伏門屏貴人牽帝衣低回轉美目風日為無

暉貴人飲金屑倏忽舜

一作舜

英暮

一作姿

平生服杏

一作古

丹顏色真如故屬車塵已遠里巷來窺覷共愛宿妝妍

君王畫眉處履綦無復有履組光未滅不見巖畔人空

見凌波襪郵童愛踪跡私手解鞶結傳看千萬眼縷絕

香不歇指環照骨明首飾敵連城將入咸陽市猶得賈
胡驚

百花行

長安百花時風景宜輕薄無人不沽酒何處不聞樂春
風連夜動微雨凌曉濯紅焰出牆頭雪光映樓角繁紫
韻松竹遠黃繞籬落臨路不勝愁輕煙去何託滿庭蕩
魂魄照廡成丹渥爛漫簇顛狂飄零勸行樂時節易晚
晚清陰覆池閣惟有安石榴當軒慰寂寞

壯士行

陰風振寒郊猛虎正咆哮徐行出燒地連吼入黃茅壯
士走馬去鏗前彎玉弣叱之使人立一發如鉞一作交
悍睛忽星墮飛血濺林梢彪炳為我席羶腥克我庖里
中欣害除賀酒紛呶號明日長橋上傾城看斬蛟

苦雨行

悠悠飛走情同樂在陽和歲中三百日常恐一作風雨

苦

一作風雨

多天人信遐遠時節易蹉跎洞房有明燭無乃

一作

妨 耐

且歌

華山歌

洪鑪作高山元氣鼓其橐俄然神功就峻拔在寥廓靈
跡露指爪殺氣見稜角凡木不敢生神仙聿來託天資

帝王宅以我

一作此

為關鑰能令下國人一

一作不

見換神

骨高山固無限如此方為嶽丈夫無特達雖貴猶碌碌

拋球樂詞

五綵繡團圓登君瑋瑁筵最宜紅燭下偏稱落花前上

客如先起應須贈一船

春早見花枝朝朝恨發遲及看花落後却憶未開時幸

有拋球樂一杯君

一作更

莫辭

華清詞

一作華清宮詞

日出驪山東斐回照溫泉樓臺影

一作相

玲瓏稍稍開白

煙言昔太上皇常居此祈年風中聞清樂往往來列仙

翠華入五雲紫氣歸上玄哀哀生人淚泣盡弓劍前聖

道本自我凡情徒顛然小臣感玄化一望青冥天

送春曲三首

春向晚春晚思悠哉風雲日已改

一作故

花葉自相催漠

漠空中去何時天際來

春已暮冉冉如人老映葉見殘花連天是青草可憐桃

與李從此同桑棗

春景

一作竟

去此去何時回遊人千萬恨落日高臺寂

寞繁花盡流鶯歸莫來

一作不歸

初夏曲三首

銅壺方促夜斗柄暫南回
稍嫌單衣重初憐北戶開
西園花已盡新月為誰來

時節過繁華陰陰千萬家
巢禽命子戲園果墜枝斜
寂寞孤飛蝶窺叢覓晚花

綠水風初暖青林露早晞
麥隴雉朝雊桑野人暮歸
百

舌悲花盡平蕪

一作無聲
一作絕無

來去飛

擣衣曲

爽砧應秋律繁杵含淒風
一一遠相續家家音不同
戶

庭凝露清伴侶明月中長裾委襞積輕珮垂璉瓏汗餘
衫更馥鈿移麝半空報寒驚邊鴈促思聞候蟲天狼正
芒角虎落定相攻盈篋寄何處征人如轉蓬

畚田行

何處好畚田團團縵山腹鑽龜得雨卦上山燒臥木驚
麇走且顧羣雉一作雞聲咿啞紅焰遠成霞輕煤一作爍飛

入郭風引上高岑獵獵度青林青林望靡靡赤光低復
起照潭出老蛟爆竹驚山鬼夜色不見山孤明星漢間

如星復如月俱逐曉風滅本從敲石光遂至烘天熱下

種暖灰中乘陽拆牙

一作芽

孽

一作藥

蒼蒼一雨後苔穎如

雲發巴

一作幾

人拱手吟耕耨不關心由來得地勢徑寸

有餘金

一作陰

鷓鴣吟

朝陽有鳴鳳不聞千萬祀鷓鴣催衆芳晨間先入耳秋
風白露晞從是爾啼時如何上春日唧唧滿庭飛

觀雲篇

興雲感陰氣疾足

一作走

如見機晴來意態行有若功成

歸葱龍含晚景潔白

一作素

凝秋暉夜深度銀漢漠漠仙人夜

人夜

養鷲詞 并引

途逢少年志在逐獸方呼鷹隼以襲飛走因縱觀
之卒無所獲行人有常從事於斯者曰夫鷲禽飢
則為用今哺之過篤故然也予感之作養鷲詞

養鷲非玩形所資擊鮮力少年昧其理日日

一作夜 哺不

息探雛網黃口旦暮有餘食寧知下韝時翅重飛不得
珥總止林表狡兔自南北飲啄既已盈安能勞羽翼

別友人後得書因以詩贈

前時送君去揮手青門橋路轉不相見猶聞馬蕭蕭今

得出關書行程一作日已遙春還遲君至共結一作芳

塵

纈

蘭茗

送華陰尉張茗赴邕府使幕

張即燕公之孫
頃坐事除名

昔忝南宮郎往來東觀頻嘗披燕公傳聳若窺三辰翊

聖宗國本像

一作保

賢正朝倫高視緬今古清風夏無鄰

蘭錡照通衢一家十朱輪鄴國嗣侯絕韋卿世業貧夫

子承

一作成

大名少年振芳塵青袍仙掌下矯首凌煙旻

公治本非罪潘郎一為民風霜苦搖落堅白無緇磷一

旦逢良時天光燭幽淪重為長裾客佐彼觀風臣分野

窮禹畫人煙過虞巡不言此行遠所樂相知新雨起巫

山陽鳥鳴湘水濱離筵出蒼莽別曲多悲辛今朝一杯

酒明日千里人從

一作彼

此孤舟去悠悠天海春

送湘陽熊判官孺登府罷歸鍾陵因寄呈江西
裴中丞二十三兄

射策志未就從事歲云除
篋留馬卿賦袖有劉弘書
忽見夏木深悵然憶吾廬
復持州民刺歸謁專城居
君家誠易知勝絕傾里閭
人言北郭生門有卿相輿
鍾陵靄一作千里帶郭西
江水朱檻照河宮旗亭綠
雲裏前年一作初缺守
慎簡由宸宸臨軒弄郡章
得人方付此是來時
左馮翊天下第一理貴臣
持牙璋優詔發青紙迎風

姦

一作汚

吏免先令疲人喜何武劾腐儒陳蕃禮高士昔

升君子堂腰下綬猶黃

中丞時為萬年尉

汾陰有寶氣赤堇多

奇

一作光

鉉束簡下曲臺佩鞬來歷陽綺筵陪一笑蘭室

襲餘芳風水忽異勢江湖遂

一作遽

相忘因君倘

一作忽

借

問為話老滄浪

自註中丞為博士製相國柳宜城謚議識者韙之頃授予以其本厥後牧和州

節度使杜司徒以中丞材譽俱高欲令軍裝以重戎府故授以本州團練使滿座觀腰鞬禮成驩甚相視而笑後房燕樂卜夜縱談予忝司徒之賓時獲末坐初中丞自尚書屯田員外郎出守踵其武者今給事中穆公代給事者右丞段公予不佞繼右丞之後故曰襲餘芳焉

送韋秀才道冲赴制舉

驚禽一辭巢棲息無少安秋扇一離手流塵蔽霜紈故
侶不可追涼風日已寒遠逢杜陵士別盡平生歡逐客
無印綬楚江多芷蘭因居暇時遊一作君時暇遊長缺不復彈

閱書南軒霽

一作際

絙瑟清夜闌萬境身外寂一杯腹中

寬伊昔立宗朝冬卿冠鴛鸞肅穆升內殿從容領儒

一作

高頂冠游夏無措詞陽秋垂不刊至今羣玉府學者空縱

觀世人希德門揭若攀峰巒之子尚明訓鏘如振琅玕

一旦西上書斑衣拂征鞍荆臺宿暮雨漢水浮春濶君
門起天中多士如星攢煙霞覆雙闕抃舞羅千官清漏
滴銅壺仙厨下雕槃一作盤熒煌仰金榜錯落濡飛翰古
來才傑士所嗟遭時難一鳴從此始相望青雲端

送李策秀才還湖南因寄幕中親故兼簡衡州

呂一作李八郎中

深春風日淨晝長幽鳥鳴僕夫前致詞門有白面生攝
衣相問訊解帶坐南榮端志見眉睫苦一作芳言發精誠

因出懷中文調孤詞亦清悄如促柱弦掩抑多不平乃

言本蜀士世降岷山靈前人秉藝文高視來上京曳綬

司徒府所從信國楨析一作薪委寶一作林善響繼家

難聲何處翳附郭幾人思郈成一作雲天望喬木風

水悲流萍前與計吏西始列貢士名森然就筆札從試

春官卿帝城岐路多萬足伺一作晨星茫茫風塵中工

拙同有營寒女勞夜織山苗榮寸莖侯門方擊鍾衣褐

誰將迎弱羽果摧頽壯心鬱怍怍諒無蟠木容聊復蓬

累行

一作生

昨日訊靈龜
繇言利艱貞
當求捨拔中
必在

審已明誓將息
薄遊焦思窮
筆精時蘭在
幽渚安得揚

芬馨曰

一作嗟

余摧落者散
質負華纓一
聆苦辛詞再
動

伊鬱情身棄
言不動愛才
心尚

一作上

驚恨無羊角
風使

爾化北溟論
罷情益親涉
旬忘歸程日
攜邑中客閒
眺

江上城晝憩
命金罍宵談
轉璿衡薰

一作蕙

風香麈尾月

露濡桃笙忽
被戒羸駮薄
言事南征火
雲蔚千里旅
思

浩已盈湘江
含碧虛衡嶺
浮翠晶豈伊
山水異適與
人

事并油幙侶

一作似

昆丘粲然疊瑤瓊庾樓見清月孔坐

多綠醞復有衡山守本自雲龍庭

一作亭

抗志

一作至和

在靈

府發越侔咸英一揮

一作麾

出滎陽惠彼啗啗氓隼旗辭

灞水居者皆涕零惟昔與伊人交歡經

一作在

宿齡一從

雲雨散滋我鄙吝萌北渚不堪愁南音誰復聽離憂若

去水浩漾無時停嘗聞祝融峰上有神禹銘古石琅玕

姿秘文螭虎形聖功莫遠服神物擁休禎賢人在其下

彷彿疑蓬瀛君行歷郡齋大袂拂雙旌飾容遇朗鑿肝

馬可以呈昔日馬相如臨邛坐盡傾勉君刷羽翰蚤取
凌青冥

送張盥赴舉詩

并引

古人以偕受學為同門友今人以偕升名為同年
友其語熟見縉紳者皆道焉余與張盥為丈人由
是道也曩吾見爾之始生以老成為祝今吾見爾
之成人以未立為憂吾不幸向所謂同年友當其
盛時聯袂齊鑣亘絕九衢若屏風然今來落落如

曙星之相望昔日會合不煩異席可長太息哉然
而尚書右丞衛大受兵部侍郎武廷碩二君者當
時偉人咸萬夫之望足以訂十朋之多也第如京
師無騷騷爾無忻忻爾時秋也吾為若叩商之謳
幸有感夫二君子

爾生始懸弧我作座上賓引箸舉湯餅祝詞天麒麟今
成一丈夫坎坷愁風塵長裾來謁我自號廬山人道舊
與撫孤悄然傷我神依依見眉睫嘿嘿含悲辛永懷同

年友追想出谷晨三十二君子齊飛凌煙旻

一作冥

曲江

一會時後會已凋淪況今三十載閱世難重陳盛時一

已過來者日日新不如搖落樹重有明年春火後見琮

璜霜餘識松筠肅風

一作機

乃獨秀武部

一作抱

亦絕倫爾

今持我詩西

一作兩

見二重臣成賢必念舊保貴

一作節

在

安貧清時為丞郎氣力侔陶鈞乞取斗升水因之雲漢

津

和州送錢侍御自宣州幕拜官便於華州覲省

五綵繡衣裳當年正相稱春風舊

一作玉

關路歸去真多

興蘭陔行可採蓮府猶回瞪楊家紺幘迎

侍御即王相公貴瑭

謝

守瑤華贈

宣州崔相公
有詩贈行

御街草泛灩臺柏煙含凝

一作
暎

曾是平生

一作
遊

無因理歸乘

送僧方及南謁柳員外

并序

九江僧方及既出家依匡山一時中頗屬詩以攄

思古詩人暨今號為能賦有輒求其詞吟呻之拳

拳然多多益嗜影不出山者十年嘗登最高峰四

望天海冲然有遠遊之志頓錫而言曰神馳而形
闕者方內之徒及吾無方闕於何者由是耳得必
目探之意行必身隨之雲遊鳥企無迹而遠予為
連州居無何而方及至出襪中詩一篇以貺予其
詞甚富留一歲觀其行結矩如教益多之一旦以
行日來告且曰雅聞鳥味之下有賢諸侯願躋其
門如蹈十地敢乞辭以抵之予唯而賦顧其有重
請之色見於顏間耳

昔事一作日廬山遠精舍虎溪東朝陽照瀑水樓閣虹霓

中騁望羨游雲振衣若秋蓬舊房閉松月遠思吟江風

古寺歷頭陀奇峰扳一作攀祝融南登小桂嶺却望歸塞

鴻衣緘貯文章自言學雕蟲搶榆念陵厲覆篲圖一作而

穹崇遠郡多暇日有詩訪禪宮石門聳一作崇峭絕竹院

舍空濛幽響滴巖溜晴芳飄野叢海雲懸颺母山果屬

徂一作後公忽憶吳興郡白蘋正蔥蘢願言挹風采邈若

窺華高桂水夏瀾急火山宵一作燒焰紅三衣濡菌露一

錫飛煙空勿謂翻譯徒不為文雅雄古來賞音者焦爨

得孤桐

按祖公宜斤賦芋者而越絕書有援公張衡賦南都有援父長嘯之句繇是而言謂援為公舊

矣

送惟良上人 并引

以貌窺天者曰乾然健單于然而高以數迎天者
曰其用四十有九天果以有形而不能脫乎數立
象以推筴既成而遺之古所謂神交造物者非空
言耳軒皇受天命其佐皆聖人故得之惟唐繼天

德如黃帝有外臣一行亦聖之徒與刊歷考元書
成化去今丹徒人惟良生而能知非自外求以乾
坤之筮當十期之數凝神運指上感躔次視玄黃
溟滓無倪有常絕機泯知獨以神會數起於復之
初九音生於黃鍾之宮積微本隱言與化合夫天
人之數極而含變變而靡不通神趨鬼懾不足駭
也惟良得一行之道故亦慕其為外臣謬謂余為
世間聰明子子來訪初以說合至於不言言息而

理冥復申之以嗟嘆曰師其庶幾乎信神與之而
不能測神之所以付信術通之而不能知術之所
以淺哉余聞乎曾井蛙醯雞之不若也長慶四年
冬十一月甲子語至夜艾遂為詩以志焉

高齋灑

一作映

寒水是夕山僧至
玄牝無關鎖瓊書捨

一作

拾

文字燈明香滿室
月午霜凝地語到
不言時世間人

盡

一作自
睡

翠微寺有感

吾王昔遊幸離宮雲際開朱旗迎夏早一作涼軒避暑

來湯餅賜都尉寒冰頒上才龍髯一作顏不可望玉座生

塵埃

觀柘枝舞二首

胡服何歲毳僊僊一作姬登綺墀神飈獵紅蕖龍燭映一作

然金枝垂帶覆纖腰安鈿當嫵眉翹袖中繁鼓傾眸溯

華棖燕秦有舊曲淮南多冶詞欲見傾城處君看赴節

時

山雞臨清鏡石燕赴遙津何如上客會長袖入華裊體
輕似無骨觀者皆聳神曲盡回身處一作去層波猶注人

連州臘日觀莫徭獵西山

海天殺氣薄蠻軍步

一作部

伍囂林紅葉盡變原黑草初

燒圍合繁鉦息禽興大旆搖張羅依道口嗾犬上山腰

猜鷹慮奮迅驚鹿

一作磨

時跼跳瘴雲四面起臘雪半空

消箭頭餘鵠血鞍傍見雉翹日暮還城邑金笳發麗譙

寄陝州姚中丞

時分司東都

八月天氣肅二陵風雨收旌旗闕下來雲日關東秋禹
跡想前事漢臺餘故丘徘徊襟帶地左右帝王州留滯
悲昔老恩光榮徹侯相思望棠樹一寄商聲謳

奉酬湖州崔郎中見寄五韻

山陽昔相遇灼灼晨葩鮮同遊翰墨場和樂墳麓然一
落名宦途浩如乘風船行當衰暮日卧理淮海邊一作
猶期謝病後共樂桑榆年

學阮公體三首

少年負志氣，信道不從時。只言繩自直，安知室可欺。百

勝難慮敵。

一作慮無敵

三折乃良醫，人生不失意。焉能慕知

幾

朔風悲老驥，秋霜動鷲禽。出門有遠道，平野多層陰。滅
沒馳絕塞，振迅拂華林。不因感衰節，安能激壯心。

昔賢多使氣，憂國不謀身。目覽千載事，心交上古人。侯
門有仁義，靈臺多苦辛。不學腰如磬，徒使甑生塵。

秋晚題湖城驛池上亭

秋次池上館林塘照南榮塵衣紛未解幽思浩已盈風
蓮墜故萼露菊含晚英恨為一夕客愁聽晨雞鳴

賈客詞

并引

五方之賈以財相雄而鹽賈尤熾或曰賈雄則農
傷予感之作是詞

賈客無定遊所遊惟利并眩俗雜良苦乘時取重輕心
計析秋毫搖一作鉤侷懸衡錐刀既無棄轉化日已盈

邀

一作
邀

福禱波神施財遊化城妻約雕金釧女垂貫珠

纓高貲比封君竒貨通倖卿趨時鷲鳥思藏鏹盤龍形
大舩浮通川高樓次旗亭行止皆有樂關梁自一作無
征農夫何為者辛苦事寒耕

調瑟詞

并引

里有富豪翁厚自奉養而嚴督臧獲力屈形削猶
役之無執極一無極字一旦不堪命亡者過半追亡者
亦不來復翁頽沮而追昨非之莫及也予感之作

調瑟詞

調瑟在張弦弦平音自足朱弦二十五缺一不成曲美人愛高張瑤軫再三促上弦雖獨響下應不相屬日暮聲未和寂寥一枯木却顧膝上弦流淚難相續

讀張曲江集作

并引

世稱張曲江為相建言放臣不宜與善地多徙五溪不毛之鄉及今讀其文自內職牧始安有瘡癘之歎自退相守荆門有拘囚之思託諷禽鳥寄詞草樹鬱然有騷人風嗟夫身出於遐陬一失意而

不能堪矧華人士族而必致醜地然後快意哉議
者以曲江為良臣識胡鷄有反相羞凡器與同列
密啓廷爭雖古哲人不及而燕翼無似終為餒魂
豈忤心失恕陰謫最大雖二美莫贖耶不然何袁
公一言明楚獄而鍾社四葉以是相較神可誣乎
予讀其文因為詩以弔

聖言貴忠恕至道重觀身法在何所恨色相

一作斯為

仁良時難久恃陰謫豈無因寂寞韶陽廟魂歸不見人

偶作二首

終朝對尊酒嗜興非嗜甘終日偶衆人縱言不縱談世
情閒靜見藥性病多諳寄謝嵇中散予無甚不堪

萬卷堆牀書學者識其真萬里長江水征夫渡要津養
生非但藥悟佛不因人燕石何須辨逢時即至珍

昏鏡詞

鏡之工列十鏡於賈奩發奩而視其一皎如其九

霧如或曰良苦

一作
楷

之不侔甚矣工解頤謝曰非

不能盡良也蓋賈之意惟售是念今夫來市者必

歷鑿

一作覽

周睠求與己宜彼皎者不能隱芒杪之

瑕非美容不合是用什一其數也余感之作昏鏡

詞

昏鏡非美金漠然喪其晶

一作精

陋容多自欺謂若他鏡

明瑕疵既

一作闇

不見妍態隨意生一日四五照自言美

傾城飾帶以紋

一作綺

繡裝匣以瓊瑛秦宮豈不重非適

乃為輕

詠古二首有所寄

車音想麟麟不見綦下塵可憐平陽第歌舞嬌青春金屋容色在文園詞賦新一朝復得幸應知失意人

寂寥

一作冥一作寂

照鏡臺遺基古南陽

一作方

真人昔來遊翠

鳳相隨翔目成在桑野志遂貯椒房豈無三千女初心不可忘

磨鏡篇

流塵翳明鏡歲久看如漆門前負局人

一作生

為我一磨

拂萍開綠池滿暈盡金波溢白日照空心圓光走幽室
山神妖氣沮野魅真形出却思未磨時瓦礫來唐突

御定全唐詩卷三百五十四

欽定四庫全書蒼要卷一萬七千七百六十

集部

御定全唐詩卷三百五十五

劉禹錫

登司馬錯古城

秦昭王命錯征五溪蠻城在武陵沅江南

將軍將

一作實

秦師

一作帥

西南奠遐服故壘清江上蒼烟

晦

一作昧

喬木登臨直蕭辰周覽壯前躅整平陳葉滿墉

高秋蔓綠廢井抽寒菜毀臺生魯

一作穰

穀耕人得古器

宿雨多遺鏃楚塞鬱重疊蠻溪紛詰曲留此數仞基幾

金剛經卷之五
人傷遠目

一作傷
送目

謁柱山會禪師

我本山東人平生多感慨弱冠遊咸京上書金馬外結

交當世賢馳聲溢四塞勉修賁及早狙捷

一作健

不知退

錙銖揚芬馨尋尺招瑕類淹留郢南都

一作鄙

摧頽羽翰

碎安能咎往事且欲去沈痼吾師得真如寄在人寰內

哀我墮名網有如翺飛輩瞳瞳揭智燭照使出昏昧靜

見玄關啓歆然初心會夙尚一何微今得信可大覺路

明證入便門通懺悔悟理言自忘處屯道猶泰色身豈
吾寶慧性非形礙思此靈山期未卜

一作
來

何年載

臥病聞常山旋師策勲宥過王澤大洽因寄李

六侍郎

一作
御

寂寂重寂寂病夫卧秋齋夜蛩思幽壁槁葉鳴空堦南
國異氣候火旻尚昏霾瘴煙跼飛羽沴氣傷百骸昨聞
凱歌旋飲至酒如淮無戰陋丹水垂仁輕橐街清廟既
策勲圓丘俟燔柴車書一以混幽遠靡不懷逐客顛顛

久故鄉雲雨乖禽魚各有化予欲問齊諧

善卷壇下作

在柱山上

先生見堯心相與去

一作公

九有斯民既已治我得安林

數道為自然貴名是無窮壽瑤壇

一作臺

在此山識者常

回首

武陵觀火詩

楚鄉祝融分炎火常為虞是時直突煙發自晨炊徒盲
風扇其威白晝曛陽烏操綆不暇汲循牆還

一作寧 避踰

怒如列缺光迅與芬

一作芬

輪俱聯延掩四遠

一作達赫奕

成洪鑪洵疑雲濤翻颯若鬼神趨當前迎焮赭是物同

膏腴金烏入梵天赤龍遊玄都騰煙透窻戶飛焰生巖

櫺火山摧半空星雨灑中衢瑤壇被髹漆寶樹攢珊瑚

光

一作花

縣與琴焦

一作焦琴

旗亭無酒濡市人委百貨邑令

遺雙鳧餘勢下隈隩長燂烘舳舻吹焚

一作熒

照水府灸

浪愁天吳災罷雲日晚心驚視聽殊高灰辨廩庾黑土

連闔閭衆燼合星羅遊氛鏢人膚厚地藏宿熱遙林呈

驟枯火德資生人庸可一日無御之失其道敲石彌天
隅晉庫走龍劍吳宮傷燕雛五行有沴氣先哲垂訏謨
宋鄭同日起時當賢大夫無苛自可樂弭患非所圖賢

守恤人瘼臨煙駐驪駒弔場

一作傷

色慘怛

一作怛

顏

一作言

失詞劬愉下令蠲里布指期輕市租閑垣適未立苦蓋
自相娛山木行剪伐江泥宜瑾途

一作塗

邑

一作魯

臣不必

曾

一作葺

何用徵越巫

崔元受少府自貶所還遺山薑花以詩答之

故人博羅尉遺我山薑花採從碧海上來自謫仙家雲

濤潤孤根陰火照晨葩靜搖扶桑日豔對瀛洲霞世人

愛

一作受

芳

一作苦

辛寨擷忘幽遐傳名入帝里飛驛辭天

涯王濟本尚味石崇方鬪奢雕

一作堆

盤多不識綺席乃

增華驛馬損筋骨貴人滋齒牙顧予藜藿士持此重咨

一作嗟

空歎

途中早發

馬踏塵上霜月明江頭路行人朝氣銳宿鳥相辭去流

水隔遠村縵山多紅樹悠悠關塞內往來

一作來往

無間步

和董庶中古散調詞贈尹果毅

昔聽東武吟壯年心已悲如何今獲落聞君辛苦辭言

有窮巷士弱齡頗尚竒讀得玄女符生當事邊時借名

遊俠窟結客幽并兒往來長楸

一作秋

間能帶雙鞬馳崩

騰天寶末塵暗燕南

一作幽

垂燿火入咸陽詔徵神武師

是時占軍幕插羽揚金羈萬夫列轅門觀射中戟支誓

當雪國讐親愛從此辭中宵倚長劍起視室尤旗介馬

晨蕭蕭陣雲竟天涯陰風獵

一作列

白草旗槊光參差勇

氣貫中腸視身忽如遺生

一作曾

擒白馬將虜騎不敢追

貴臣上戰功名姓隨意移終歲肌骨苦他人印累累謁

者既清宮諸侯各罷戲上將賜甲第門戟不可窺皆血

下沾襟天高問無期却尋故鄉路孤影空相隨行逢里

中舊僕邀

一作宿

昔所嗤一言合侯王腰佩黃金龜問我

何自苦可憐真數竒遲回顧徒御得色懸雙眉翻然悟

世途撫已昧所宜田園已蕪沒流浪江海湄鷲禽毛翮

摧不見翔雲

一作高翔

姿衰容蔽逸氣孑孑無人知寂寞草

立徒長吟下書帷為

一作聞

君發哀韻若扣

一作槩若

瑤林枝

有客識其真潺湲涕交頤飲

一作勸

爾一杯酒陶然足自

怡

望衡山

東南倚蓋卑維嶽資柱石前當祝融居上拂朱鳥翮青
冥結精氣磅礴宣地脉還聞膚寸陰能致彌天澤

遊桃源一百韻

沅江清悠悠連山鬱岑寂回流抱絕巘皎鏡含虛碧昏

旦遞明媚煙嵐分委積香蔓垂綠潭暴龍照孤磧

山下潭名

綠蘿磧名暴龍

淵明著前志子驥思遠躡

事見陶先生本記

寂寂無何

鄉密爾天地隔金行太元歲漁者偶探躡尋花得幽踪

窺洞穿閭隙依微聞雞犬豁達值阡陌居人互將迎笑

語如平昔廣樂雖交奏海禽心不懌揮手一來歸故溪

無處覓綿綿五百載市朝幾遷革有路在壺中無人知

地脉皇家感至道聖祚自天錫金闕傳本枝玉函留寶

歷禁山開秘宇復戶潔靈宅

詔隸二十戶免徭以奉灑掃

藥檢香氛

氤醮壇煙冪冪我來塵外躅瑩若朝星析崖轉對翠屏

水窮留畫鷁三休俯喬木千級扳峭壁旭日聞撞鐘綵

雲迎躡屐遂登最高頂縱目還楚澤平湖見草青遠岸

連霞赤幽尋如夢想綿思屬空閒黃緣且忘疲耽玩近

成癖清猿伺曉發瑤草凌寒坼祥禽舞葱龍珠樹搖玃

璫

一作的璫

羽人顧我笑勸我稅歸輶霓裳何飄颻童顏潔

白晳重巖是藩屏馴鹿受羈勒樓居彌

一作通

清霄蘿萬

成翠帝仙翁遺竹杖王母留桃核姹女飛丹砂青童護
金液寶氣浮鼎耳神光生劒脊虛無天樂來僊宰鬼兵
役丹丘肅朝禮玉札工紉繹枕中淮南方牀下阜鄉舄
明燈坐遙夜幽籟聽淅瀝因話近世仙聳然心神惕乃
言瞿氏子骨狀非凡格往事黃先生羣兒多侮劇警一作
警然不屑意元氣貯肝膈往往游不歸洞中觀博奕言
高未易信猶復加訶責一旦前致辭自云仙期迫言師
有道骨前事常被謫如今三山上名字在真籍悠然謝

主人後歲當來覲言畢依庭樹如煙去無跡觀者皆失
次驚追紛絡繹日暮山徑窮松風自蕭槭適逢脩蛇見
瞋目光激射如嚴三清居不使恣搜索惟餘步網勢八
趾在沙磔至今東北隅表以壇上石列仙徒有名世人
非目擊如何庭廡際白日振飛翮洞天豈幽遠得道如
咫尺一氣無死生三光自遷易因思人間世前路何狹
一作窄瞥然此生中善祝期滿百大方播羣類秀氣肖
秋翕闢性靜本同和物牽成阻阨是非鬪方寸暈血昏精

魄遂令多天傷猶喜見斑白喧喧車馬馳苒苒桑榆夕
共安緹繡榮不悟泥途適紛吾本孤賤世業在逢掖九
流宗指歸百氏旁擴撫公卿偶慰薦鄉曲繆推擇居安
白社貧志傲玄纁辟功名希自取簪組俟揚歷書府蚤
懷鉛射宮曾發的起草香生帳坐曹烏集柏賜燕聆簫
韶侍祠閱琮璧嘗聞履忠信可以行蠻貊自述一作希
古心妄恃干時畫巧言忽成錦苦志徒食蘖平地生峰
巒深心有矛戟層波一震盪弱植忽淪溺北渚弔靈均

長岑思亭伯禍來昧幾兆事去空歎息塵累與時深流

年隨漏滴才能疑木鴈報施迷夷跖楚奏繫

一作繫

鍾儀

商歌勞甯戚稟生非懸解對鏡方感激自從嬰網羅每

事問龜策王正降雷雨環玦賜遷斥儻伏

一作復

夷平人

誓將依羽客買山構精舍領徒開講席冀無身外憂自

有閑中益道芽期日就塵慮乃冰釋且欲遺姓名安能

慕竹帛長生尚學致一溉

一作豎

宜虛擲芝朮資餽糧煙

霞拂巾幘黃石履看墮洪崖肩可拍聊復嗟蜉蝣何煩

哀虺蜴青囊既深味瓊葩亦屢摘縱一作無西山資一作

姿猶免長戚戚

客有為余話登天壇遇雨之狀因以賦之

清晨登天壇半路逢陰晦疾行穿雨過却立視雲背白
日照其上風雷走於內滉漭雪海翻槎牙玉山碎蛟龍
露鬢鬣神鬼含變態萬狀互生滅百音以繁會俯觀羣
動靜始覺天宇大山頂自晶一作明人問已霽霈豁然
重昏斂渙若春冰潰反照入松門瀑流飛縞帶遙光泛

物色餘韻吟天籟洞府撞仙鐘村墟起夕靄却見山下
侶已如迷世代問我何處來我來雲雨外

秋江早發

輕陰迎曉日霞霽秋江明草樹含遠思襟懷有餘清凝
睇萬象起朗吟孤憤平渚鴻未矯翼而我已遐征因思

市朝人方聽晨雞鳴昏昏戀衾枕安見元氣英

元氣二字一作

天地納爽耳目變玩奇筋骨輕滄洲有奇趣浩然

一作蕩

吾

將行

有僧言羅浮事因為詩以寫之

君言羅浮上容易見九垓漸高元氣壯
洶湧來翼身夜宿最高峰瞻望浩無鄰
海黑天宇曠星辰來逼人是時當
肚魄陰物恣騰振日光吐鯨背劍影
開龍鱗條若萬馬馳旌旗聳齋淪又
如廣樂奏金石含悲辛疑其有巨靈
怪物盡來賓陰陽迭用事乃俾夜作
晨咿喔天雞鳴扶桑色昕昕赤波千
萬里湧出黃金輪下視生物息靈如
隙中塵醯雞仰甕口亦謂雲漢津世
人信耳目方寸

度大鈞安知視聽外怪愕不可陳悠悠想大方此乃栢
水濱知小天地大安能識其真

裴祭酒尚書見示春歸城南

一作東

青松塢別墅

寄王左丞高侍郎之什命同作

蚤宦閱人事晚

一作曉

懷生道機時從學省出獨望郊園

歸野約度春水山花映巖扉石頭解金章林下步綠薇

青松鬱成塢脩竹盈尺圍吟風起天籟蔽日無炎威危

徑盤羊腸連甕登輦飛幽谷響樵斧澄潭

一作江

環釣磯

因高見帝城冠蓋揚光輝白雲難持寄清韻投所希二

公如長離

一作鳳雛

比翼翔太微含情謝林壑酬贈駢

一作唱進

珠璣顧予久郎

一作即

潛愁寂對芳菲一聞丘中趣再撫

黃金薇

一作再聽撫金徽

和河南裴尹侍郎宿齋天平寺詣九龍祠祈雨

二十韻

有事九龍廟潔齋梵

一作夢

王祠玉簫何時絕碧樹空涼

颶吏散埃壘息月高庭宇宜重城肅穆閉澗水潺湲時

人稀夜復閒慮靜境亦隨緬懷斷鰲足凝想乘鸞姿朱

明盛農節膏澤方愆期瞻言五靈瑞能救百穀萎咿喔

晨雞鳴闌干斗柄

一作杓

垂修容謁神像注意陳正詞驚

颷起泓泉若調

一作台

雷雨師黑煙聳鱗甲灑液如焚縑

豐隆震天衢列缺揮火旗炎空忽淒緊高雷懸縵縻生

物已霽霈濕雲稍離披丹霞啓南陸白水含東菑熙熙

飛走適藹藹草樹滋浮光動宮觀遠思盈川坻吳公敏

於政謝守工為詩商山有病客言賀舒龐眉

冬夜宴河中李相公中堂命箏歌送酒

朗朗

一作琅琅

鷓鴣弦華堂夜多思簾外雪已深座中人半

醉翠蛾發清響曲盡有餘意酌我莫憂狂老來無逸氣

重至衡陽傷柳儀曹

并引

元和乙未歲與故人柳子厚臨湘水為別柳浮舟
適柳州余登陸赴連州後五年余從故道出桂嶺
至前別處而君沒於南中因賦詩以投吊

憶昨與故人湘江岼頭別我馬映林嘶君驅轉山滅馬

嘶循古道颿滅如流電千里江離春故人今不見

謫居悼往二首

邑邑

一作
悒悒

何邑邑長沙地卑濕樓上見春多花前恨風

急猿愁腸斷叫鶴病翹趾立牛衣獨自眠誰哀仲卿泣
鬱鬱何鬱鬱長安遠如日終日念鄉關燕來鴻復還潘
岳歲寒思屈平顛顛顏殷勤望歸路無雨即登山

有懶吟

有懶得嘉魚自謂天見憐先祭不敢食捧鱗望青玄人

立寒沙上心專眼悄悄

一作脰
着肩

漁翁以為妖舉塊投其

咽呼兒貫魚歸與獺同烹煎關關黃金鷄大翅搖江煙

下見盈尋魚投身擘洪連

一作連

攫拏隱鱗去哺離林岳

巔鷓鴣欲伺隙遙噪莫敢前長居青雲路彈射無由緣
何地無江湖何水無鮪鱸天意不宰割菲祭徒虔虔空
餘知禮重載在淹中篇

白太守行

聞有白太守拋

一作棄

官歸舊谿蘇州十萬戶盡作嬰兒

啼太守駐行舟閭門草萋萋揮袂謝啼者依然兩眉低
朱戶非不崇我心如重狴華池非不清意在寥廓栖夸
者竊所一作怪賢者默思齊我為太守行題在隱起珪

樂天寄洛下新詩兼喜微之欲到因以抒懷也

松間風未起萬葉不自吟池上月未來清輝同夕陰宮
徵不獨運塤麓自相尋一從別樂天詩思日已沈吟君
洛中作精絕百鍊金乃知孤鶴情月露為知音微之從
東來威鳳鳴歸林羨君先相見一豁平生心

月夜憶樂天兼寄微之

一作月夜寄
微之憶樂天

今宵帝城月一望雪相似遙想洛陽城清光正如此知

君當此夕亦望鏡

一作臨

湖水展轉相憶心月明

一作明月

千

一作十 萬里

早夏郡中書事

水禽渡殘月飛雨灑高城華堂對嘉樹簾廡含曉清拂
鏡整危冠振衣步前楹將吏儼成列簿書紛來縈言下
辨曲直筆端破交爭虛懷詢病苦懷律操剝輕闕吏告

無事歸來解簪纓高簾覆朱閣忽爾聞調笙

訓樂天七月一日夜即事見寄

夜樹風韻清天河雲彩輕故苑多露草隔城聞鶴鳴搖
落從此始別離含遠情聞君當是夕倚瑟吟商聲外物
豈不足中懷向誰傾秋來念歸去同聽嵩陽笙

令狐相公見示贈竹二十韻仍命繼和

高人必愛竹寄興良有以峻節可臨戎虛心宜待士衆
芳信妍媚威鳳難棲止遂於鼙鼓間移植東南美封以

梁國土澆之浚泉水得地色不移凌空勢方起新青排
故葉餘粉籠疎理猶復隔牆藩何因出塵滓茲辰去前
蔽永日勞瞪視械械林已成熒熒玉相似規摹起心匠
洗滌在頤指曲直既瞭然孤高何卓爾垂梢覆內屏迸
笋侵前祀妓席拂雲鬢賓階塵珠履抱琴恣閒翫執卷
堪斜倚露下懸明璫風來韻清徵堅貞貫四候標格殊
百卉歲晚當自知繁華豈云比古詩無贈竹高唱從此
始一聽清瑤音崢然長在耳

和令狐相公晚泛漢江書懷寄洋州崔侍郎閣
州高舍人二曹長

雨過遠山出江澄暮霞生因浮濟川舟遂作適野行郊
樹映緹騎水禽避紅旌田夫捐畚鍤婦窺柴荆古岸
夏花發遙林晚蟬清沿洄方翫境鼓角已登城部內有
良牧望中寄深情臨觴念佳期泛瑟動離聲寂寞一病
士夙昔接羣英多謝謫仙侶幾時還玉京

和樂天洛城春齊梁體八韻

帝城宜春入遊人喜意長草生李倫谷花出莫愁坊斷
雲發山色輕風漾水光樓前戲馬地樹下鬪雞場白頭
自為侶綠酒亦滿觴潘園觀種植謝墅閱池塘至閒似
隱逸過老不悲傷相問焉功德銀黃遊故鄉

洛中早春贈樂天

漠漠復靄靄半晴將半陰春來自何處無迹日以深韶
嫩冰後木輕盈煙際林藤生欲有託柳弱不自任花意
已含蓄鳥言尚沉吟期君當此時與我恣追尋翻愁爛

漫後春暮却傷心

和樂天燕李周美中丞宅池上賞櫻桃花

櫻桃千萬枝照耀如雪天王孫讌其下隔水疑神仙宿
露發清香初陽動暄妍妖姬滿髻插酒客折枝傳同此
賞芳月一作日幾人有華筵杯行勿遽辭好醉逸三年

訓樂天聞新蟬見贈

碧樹鳴蟬後煙雲改容光瑟然引秋氣芳草日夜黃夾
道喧古槐臨池思垂楊離人下憶淚志士激剛腸昔聞

阻山川今聽同匡牀人情便所遇音韻豈殊常因之比
笙竽送我遊醉鄉

和樂天秋涼閒卧

暑退人體輕雨餘天色改荷珠貫索斷竹粉殘粧在高
僧掃室請逸客登樓待槐柳漸蕭疎閒門少光彩

詠樂天詠老見示

人誰不願老老去有誰憐身瘦帶頻減髮稀冠自偏廢
書緣惜眼多灸為隨年經事還諳事閱人如閱川細思

皆幸矣下此便條然莫道桑榆晚微一作霞尚滿天

歲夜詠懷

彌年不得意新歲又如何念昔同遊者而今有幾多以
閒為自在將壽補蹉跎春色無情故幽居亦見過

訓牛相公獨飲偶醉寓言見示

宮漏夜丁丁千門閉霜月華堂列紅燭絲管靜中發歌
眉低有思舞體輕無骨主人啓醅顏酣暢浹肌髮猶思
城外客阡陌不可越春意日夕深此歡無斷絕

萋兮吟

天涯浮雲生爭蔽日月光窮巷秋風起先摧蘭蕙芳萬
貨列旗亭恣心注明璫名高毀所集言巧智難防勿謂
行大道斯須成太行莫吟萋兮什徒使君子傷

韓十八侍御見示岳陽樓別竇司直詩因令屬
和重以自述故足成六十二韻

楚望何蒼然曾瀾七百里孤城寄遠目一寫無窮已蕩
漾浮天蓋四環宣地理積漲在三秋混成非一水冬遊

見清淺春望多洲沚雲錦遠沙明風煙青草靡火星忽
南見月硤方東迤雪波西山來隱若長城起獨專朝宗
路駛悍不可止支川讓其威蓄縮至南委熊武走蠻落

熊武二
溪名

瀟湘來奧鄙炎蒸動泉源積潦搜山趾歸往無

旦夕包含通遠邇行當白露時眇視秋光裏曙色未昭
晰露華遙斐疊浩爾神骨清如觀混元始北風忽震盪
驚浪迷津涘怒激鼓鏗訇感成山巋碗鷗鵬疑變化罔
象何恢詭噓吸寫樓臺騰驤露鬚尾景移羣動息波靜

繁音弭明月出中央青天絕纖滓素光淡無際綠靜平

如砥空影渡鷓鴣秋聲思蘆葦鮫人弄機杼貝闕駢紅

紫珠蛤吐玲瓏文鯨翔旖旎水鄉吳蜀限地勢東南庫

翼軫粲垂精衡巫屹環峙名雄七澤數國辨三苗氏唐

羿斷修蛇荆王憚

丁達反

青兕秦狩跡猶在虞巡路從此

軒后奏宮商騷人詠蘭芷茅嶺潛相應橘洲傍可指郭

璞驗幽經羅含著前紀觀津

一作律

戚里族按道侯家子

聯袂登高樓臨軒笑相視假守亦高卧

賈時權領郡事

墨曹正

垂耳

韓亦量移江陵法曹

契濶話涼溫壺觴慰遷徙地偏山水秀

容重杯盤侈紅袖花欲然銀燈晝相似興酣更抵掌樂

極同啓齒筆鋒不能休藻思一何綺伊余負微尚夙昔

慙知己出入金馬門交結青雲士襲芳踐蘭室學古遊

槐市策慕宋前軍文師漢中壘陋容昧俯仰孤志無依

倚衛足不如葵漏川空歎蟻幸逢萬物泰獨處窮途否

鍛翮重疊傷兢魂再三褫遽瑗亦屢化左丘猶有恥桃

源訪仙宮薜服祠山鬼故人南臺舊一別如弦矢今朝

會荆蠻斗酒相宴喜為余出新什笑拊隨伸紙擘若觀
五色歡然臻四美委曲風濤事分明窮達旨洪韻發華
鐘淒音激清徵羊濬要平聲共和江淹多雜擬徒欲仰高
山馬能追逸軌湘洲路四達巴陵城百雉何必顏光祿
留詩張內史

和郴州楊侍郎翫郡齋紫薇花十四韻

幾年丹霄上出入金華省暫別萬年枝看花桂陽嶺南
方足竒樹公府成佳境綠陰交廣除明豔透蕭屏雨餘

人吏散燕語簾櫳靜懿此含曉芳儵然忘簿領紫茸垂
組纒金樓攢鋒穎露溥暗傳香風輕徐就影苒弱多意
思從容占光景得地在侯家移根近仙井開尊好凝睇
倚瑟仍回頭遊蜂駐綵冠舞鶴迷煙頂興生紅藥後愛
與甘棠並不學天桃姿浮榮在俄頃

春日寄楊八唐州二首

淮西春草長淮水逶迤光燕入新村落人耕舊戰場可
憐行春守立馬看斜桑

漠漠淮上春
莠苗生故壘
梨花方城路
荻笋蕭陂水
高齋有謫仙
坐嘯清風起

誄馮十七舍人宿衛贈別五韻

少年為別日
隋宮楊柳陰
白首相逢處
巴江煙浪深
使星上三蜀
春雨霑衣襟
王程促速意
夜語殷勤心
却歸天上去
遺我雲間音

誄湖州崔郎中見寄

風箏吟秋空
不肖指爪聲
高人靈府間
律呂伴咸英
昔

年與兄遊文似馬長卿今來寄新詩乃類陶淵明磨礮
老益智吟詠閒彌精豈非山水鄉蕩漾神機清渚煙蕙
蘭動溪雨虹蜺生馮君虛上舍待余乘興行

秋日書懷寄河南王尹

公府想無事西池秋水清去年為狎客永日奉高情況
有臺上月如聞雲外笙不知桑落酒今歲與誰傾

訓留守牛相公宮城早秋寓言見寄

曉月映宮樹秋光起天津涼風稍動葉宿露未生塵星

一作景

氣尚芳麗曠望感心神揮毫成逸韻開閣遲來賓
擺去將相印漸為逍遙身如招後房宴却要白頭人

海陽十詠

并引

元次山始作海陽湖後之人或立亭榭率無指名
及余而大備每疏鑿構置必揣稱以標之人咸曰
有旨異日遷官裴侍御為十詠以示余頗明麗而
不虛美因拮拾裴詩所未道者從而和之

吏隱亭

結構得奇勢朱門交碧潯外來始一望寫盡平生心日
軒漾波影月砌鏤松陰幾度欲歸去回眸情更深

切雲亭

迥破林煙出俯窺石潭空波搖杏梁日松韻碧窻風隔
水生別島帶橋如斷虹九疑南面事盡入寸眸中

雲英潭

芳幄覆雲屏石奩開碧鏡支流日飛灑深處自疑瑩潛
去不見跡清音常滿聽有時病朝醒來此心神醒

玄覽亭

瀟灑青林際，黃綠碧潭隈。
淙流冒石下，輕波觸砌回。
香風逼人度，幽花覆水開。
故令無四壁，晴夜月光來。

裴溪

時御史已
過新恩

楚客憶關中，疏溪想汾水。
縈紆非一曲，意態如千里。
倒影羅文動，微波一作笑顏起。
君今賜環歸，何人承玉趾。

飛練瀑

晶晶擲巖端，潔光如可把。
瓊枝曲不折，雲片晴猶下。
石

堅激清響葉動承餘灑前時

一作池

明月中見是銀河瀉

蒙池

滌滄幽壁下深淨如無力風起不成文月來同一色地
靈草木瘦人遠煙霞逼往往疑列仙園碁在巖側

芬絲瀑

飛流透嵌隙噴灑如絲芬含暈迎初旭翻光破夕曛餘
波遶石去碎響隔溪聞却望瓊沙際遙遙見脉分

雙溪

流水遶雙島碧溪相並深浮花擁曲處遠影落中心閒
鷺久獨立曝龜驚復沉蘋風有時起滿谷簫韶音

月窟

澌澌漱幽石注入團圓處有如常滿杯承彼清夜露巖
曲月斜照林寒春晚煦遊人不敢觸恐有蛟龍護

武夫詞

并引

有武夫過詫余以從軍之樂翌日質於通武之善
經者則曰果有樂也夫威恣而賞勞則樂用威雄

而賞競則樂橫顧其樂安出耳余惕然作是詞

武夫何洗洗衣紫襲絳裳借問胡為爾列校在鷹揚依
倚將軍勢交結少年場探丸害公吏抽刃妒名倡家產

既不事顧盼自生光

一作醒

歌高樓上袒裼大道旁昔

為編戶人秉耒甘哺糠今來從軍樂躍馬飫膏粱猶思
風塵起無種取侯王

虎丘寺路宴

青林虎丘寺林際翠微路立見山僧來遙從鳥飛處茲

峰淪寶玉千載惟丘墓埋劍人空傳鑿山龍已去捫蘿
披翳蒼路轉夕陰遽虎嘯崖谷寒猿鳴松杉暮徘徊北
樓上海江窮一顧日映千里帆鷗歸萬家樹暫因愜所
適果得捐外慮庭暗棲還雲簷香滴甘露久迷空寂理
多為聲華故永欲投此山餘生豈能悞

缺題

故人日已遠窻下塵滿琴坐對一樽酒恨多無力斟幕
疎螢色迥露重月華深萬境與羣籟此時情豈任

晚步楊子游南塘望沙尾

淮海多夏雨曉來天始晴蕭條長風至千里孤雲生卑
濕久喧濁塞開偶虛清客遊廣陵郡晚出臨江城郊外
綠楊陰江中沙嶼明歸帆翳盡日去櫂聞遺聲鄉國殊
渺漫羈心目懸旌悠然京華意悵望懷遠程薄暮大山
上翩翩雙鳥征

和浙西李大夫晚下北固山喜徑松成陰悵然
懷古偶題臨江亭并浙東元相公所和依本韻

一辭溫室樹幾見武昌柳荀謝年何少韋平望已久種
松夾石道紆組臨沙阜目覽帝王州心存股肱守葉動
驚綵翰波澄見頽首晉宋齊梁都千山萬江口煙散隋
宮出濤來海門吼風俗太伯餘衣冠永嘉後江長天作
限山固壤無朽自古稱佳麗非賢誰奄有八元邦族盛
萬石門風厚天柱揭東溟文星照北斗高亭一騁望舉
酒共為壽因賦詠懷詩遠寄同心友禁中晨夜直江左
東西偶將手握兵符儒腰盤貴綬頒條風有自立事言

無苟農野聞讓耕軍人不使酒用材當構厦知道寧窺
牖誰謂青雲高鵬飛終背負

始至雲安寄兵部韓侍郎中書白舍人二公近
曾遠守故有屬焉


天外巴子國山頭白帝城波清蜀棟盡雲散楚臺傾迅
瀨下哮吼兩岸勢爭衡陰風鬼神過暴雨蛟龍生硤斷
見孤邑江流照飛甍軍擊嚴鼓笮馬引雙旌望闕遙
拜舞分庭備將迎銅符一以合文墨紛來縈暮色四山

起愁猿數處聲重關羣吏散靜室寒燈明故人青霞意
飛舞集蓬瀛昔曾在池籞應知魚鳥情

御定全唐詩卷三百五十五

謹案卷三百五十四第二十頁前三行焉能慕知
幾刊本幾訛已據原集改





總校官庶吉士臣張能照

校對官中書臣張 頊

膳錄監生臣王朝寧